



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Collegiis Canonicoꝝ Per Germaniam, Belgivm, Galliam, Hispaniam, Italiam, Aliasqve Orbis Christiani Prouincias, Liber Singvlaris**

**Le Mire, Aubert**

**Coloniae Agrippinae, 1615**

Capvt CXXIII. De Monasteriis In Canonicoꝝ sæcularium collegia  
conuersis.

**urn:nbn:de:hbz:466:1-11227**

Sanctæ Mariæ & SS. Harlindis & Renulæ Eikenfis.

Sanctæ Mariæ, Sancti Georgij, & Sanctæ Odæ Amanicensis.

Sanctæ Mariæ & S. Donatiani, Hoyensis.

Sanctæ Mariæ & S. Seueri, Meffiensis.

Sanctæ Mariæ Cennacensis.

Sanctæ Mariæ & Sancti Hadelini Cellensis  
vide supra capite 95.

Sanctæ Mariæ Namurcensis.

Sanctæ Mariæ & S. Perpetui, Dronantensis.

Sanctæ Mariæ & S. Petri, Alnensis.

Sanctæ Mariæ & Sancti Theodardi, Tudinensis.

Sanctæ Mariæ & S. Rumoldi Mechliniensis.

Huiuscemodi autem sæculares Abbates, & si Abbates dicantur, nullum tamen ferunt abbatialem habitum, nec mitram, nec pedum. Sic ferè legitur in vetustis Chronicis Episcoporum Leodiensium, capite quadragesimo tertio de Richario Episcopo, & apud Molanum libro de Canonicis.

## CAPVT CXXIII.

DE MONASTERIIS IN CANONICORVM *secularium collegia conuersis.*

**M**ulta Canonicorum collegia olim fuerunt mera monachorum Benedictinorum, aut Canonicorum regularium cœnobia, quæ voto monastico per Pontifices Romanos



manos sunt exempta. Sic Clemēs V. complures monachorum conuētus seculari veste donauit, vt Metropolitim Ecclesiæ *Burdigalensis* *S. Andreae* & collegia *S. Seuerini* & *S. AEmiliani*, quorum Abbates conuertit in Decanos.

*S. Andreae*  
*S. Seuer.*  
*S. Aemil.*  
*Aruern-*  
*nense.*  
*S. Flori.*

Sic anno 1476. monachi Benedictini Capituli cathedralis, *S. Flori*, in Aruernia facti sunt Canonici sæculares, per Sixtum quartū Papam, petente Ludouico XI. Gallix Rege.

Idem Sixtus *Auenionensem* Ecclesiam Cathedralē *S. Mariæ* quæ prius fuerat regulariū canonicorum, ad statum sæculariū traduxit.

*Auenio-*  
*nense.*  
*S. Mariæ.*

Leo X. *Lemouicense* Capitulum cathedrale *S. Stephani* à voti monastici professione absoluit. anno 1513.

Idem Iulij secundi rescriptum confirmauit quo inter sæculares retulerat metropolitani templi *Tholosani*, *S. Stephani* Canonicos, antea regulares ordinis Augustiniani.

Anno 1542. Paulus III. *S. Sagiensis* templi cathedralis *SS. Geruasij* & *Protasij*. Canonicos regulares declarauit sæculares.

In *Malacensi* Pictonum Ecclesia cœnobium fuit à Guilielmo Aquitaniæ Duce anno 1003. fundatum, quod Episcopali dignitate auctū, & monastica lege solutum est à Ioanne XXII. anno 1333.

*Magalonensis* Ecclesia cathedralis quæ fuit regularis, in secularem transijt anno 1536. & Montem Pessulum translata est.

O

Anno



Anno millesimo quingentesimo quinquagesimo nono destructa Teruana veteri Minorū vrbe, cū Episc. sedes Bononim ad mare Oceanum esset translata, Abbatia B. *Mariæ* Canoniorum regularium facta est Ecclesia Cathedralis, & regulares sunt secularizati, vt vulgò loquuntur.

*Lucionensis* Pictonum familia monastica à regularis vitæ statu ad secularem, atque vnà ad fastigium Episcopale transijt auctoritate Ioannis Papæ XXII.

Beatæ Mariæ cœnobium *Vizeliacense* ordinis D. Benedicti Paulus III. in Canoniorū collegium commutauit anno 1537. Eodē permittente *Costiensis* Ecclesia regularis, seculare habitum induerat anno 1536.

*Condomienses* in Vasconia Canonici cathedrales S. Petri monasticum habitum exuerūt, anno 1548. permittente Paulo III.

Ecclesia collegiata Sancti Petri *Matisconensis* fuit prioratus monachorum vsque ad annū 1556.

S. Amabilis *Riomenses* monachi in Arueria, facti sunt seculares canonici anno 1548. auctoritate Paulli III.

S. *Mauri* Abbatia Benedictina in agro Parisiensi anno 1544. mutata est in collegium Canoniorum secularium.

De his & alijs vide Chopinum lib. Primo de Politia sacra titulo tertio.

De



De Ecclesia *Cesaraugustana* in Hispania, quæ olim fuit Canoniorum regularum, item de Cathedrali Basilica Gandensi, quæ olim fuit Benedictinorū in Belgio, vide suis infra locis.

## CAPVT CXXIV.

S. BAVONIS COLLEGIVM CATHEDRALE Gandense, in Flandria.

SANCTI Bauonis monasterium fundauit S. *Amandus*, Traiecti Ad Mosam Episcopus, idque potissimum eiusdem S. *Bauonis* opibus. Initio tamē non monachos sed clericos simul viuentes instituit: quibus amotis, quod licentius uiuerent, monachos S. Benedicti collocauit, sub Abbate S. *Florberta*. Qui cū multum sanctitate & doctrina clarerent, multis bonis & priuilegijs dotati sunt, ab Imperatoribus, Carolo Magno, Ludouico Pio, Othone secūdo & alijs. Inter hos *Hildebertus* octauus fuit Abbas Gandensis, qui contra Fautores Imperatoris Constantini Copronymi, non modò verbis, sed etiam sanguinis ac vitæ profusione confirmauit pium imaginum cultum. Rursus, inter hos fuit *Einardus* siue *Eginhartus* Caroli Magni Cancellarius doctissimus; qui fama monasterij clarissima inuitatus, habitum in eo religionis suscipere non dubitauit, factusque est decimusquintus Abbas.

Idem præclarissimas reliquias sanctorū *Petri & Marcelli* ex vrbe Roma Gandensi suæ